

EFANGELE YA GA JESO KERESETE





EFANGELE YA GA JESO KERESETE KE ENG?

Efangele ya ga Jeso Keresete ke thulaganyo ya ga Rara wa rona yo o kwa Legodimong ya boitumelo le **pholoso*** ya bana ba Gagwe. E bidiwa efangele ya ga Jeso Keresete ka gore **Tefo** ya ga Jeso Keresete ke legare la thulaganyo e. Go ya ka thulaganyo ya Gagwe, Rara wa rona yo o kwa Legodimong o rometse Morwa wa Gagwe, Jeso Keresete, mo lefatsheng go re supegetsa gore re ka tshela jang sentle le ka boitumelo le go nna le maitemogelo a boipelo jo bosa khutleng morago ga botshelo jo. Ka **matlhogonolo** le kutlwelobothoko ya ga Jeso Keresete, o ka nna sekono gotsweng mo sebeng le go ipelela kagiso ya letshwalo. O ka itekanela semoweng go tshela fa pele ga ga Rara yo o kwa Legodimong morago ga botshelo jo.

Go amogela kagiso e le nonofo, o tshwanetse go ithuta le go sala morago melawana le ditlhommo tsa efangele. Molawana ke boammaaruri jo bo ka nnang jwa bontshiwa mo botshelong; **tlhomo** ke tiro semmuso e e diragadiwang ka boitshepo, e le ka taolo ya boperesiti gape e nna ele tsela ya go tsenelela mo **kgolaganong** le Rara wa rona wa ko Legodimong. Melawana ya ntlha ya efangele ke tumelo mo go Jeso Keresete le boikwatlhao. Ditlhommo tsa ntlha tsa efangele ke **kolobetso** le go amogela Moya o o Boitshepo.

Morago ga o sena go ithuta le go sala morago melawana ya ntlha le ditlhommo tsa efangele, o senka go sala sekai sa ga Keresete morago ka botshelo jotlhe jwa gago jo bo setseng. Tswelelopele ya boikanyego jo bo bidiwa “go itshokelela go isa bokhutlhong.”

O ka tshela efangele ya ga Jeso Keresete ka:

- Go tlhabolola tumelo mo go Jeso Keresete.
- O ikwatlhaya.
- Ka go kolobediwa le go amogela Moya o o Boitshepo.
- Goitshokela go isa bokhutlhong.

*Mafoko a a mashibidu a tihalosiwa mo ditsebeg 18 le 19.

TUMELO MO GO JESO KERESETE

Tumelo ke go dumela mogo nonofileng mo go gwetlhang motho gore a dire. Tumelo eo e isang ko boitshwarelong jwa dibe e remeletse mo go Jeso Keresete, yo o Tefo ya gagwe e dirang gore go kgonagale go itshwarelwa. Tumelo mo go Jeso Keresete e feta go dumela o sa direle go Ene. E raya go dumela gore Ke Morwa

Modimo le gore o sotlegetse dibe tsa rona, dipogisego, le matshwenyego. E raya go diragatsa mo godimo o dumela. Tumelo mo go Jeso Keresete e go isa mo go Mo rateng, go Mo tshepeng, le go obamela melao ya Gagwe.

“Tshepa mo Moreneng ka pelo ya gago yotlhe; mme o seka wa itsheega mo go tlhaloganyeng ga gago. Mo ditseleng tsotlhe tsa gago mo leboge, mme o tlaa kaela metsamao ya gago.”

Diane 3:5-6

BOIKOTLHAO

Tumelo mo go Jeso Keresete e go isa mo go batleng go fetola botshelo jwa gago go bo tokafatsa. Jaaka fa o ithuta

efangele, o tlaa lemoga gore o dirile sebe, kgotsa o dirile kga-tlhanong le thato le dithuto tsa Modimo. Ka boikwatlhao, o ka fetola dikakanyo, dikeletso, mekgwa, le ditiro tseo di seng mo kagisong le dithuto tsa Modimo. O solofeditse gore fa o ikwatlhaya, O tlaa go itshwarela dibe. Fa o ikwatlhaya o:

Lemoga gore o dirile sebe le gore o ikutlwa ka tlwaafalo bohutsana go se o se dirileng.

Emisa go dira se se fosagetseng, mme o leke thata gore o se ka wa tlhola o se dira gape.

Ipolele dibe tsa gago go Morena mme o kope maitshwarelo. Go dira jalo go imolola makete a a bokete. Fa o dirile sebe kga-tlhanong le motho yo mongwe, o kopa motho yo o gore a go itshwarele.

Tumelo mo go Jeso Keresete ke molawana wa ntsha mo efangeleng.





Dira Paakanyo. O dira gotlhe mo o ka go kgonang go siamisa mathata a ditiro tsa gago di a dirileng.

Tshegetsa Ditaelo. Go obamela Ditaelo tsa Modimo go tliša maatla a efangele mo botshelong jwa gago. Efangele e tlaa go fa thata ya go tlogela dibe tsa gago. Go tshegetsa ditaelo go balela go fa tirelo, go itshwarela ba bangwe, le go tsena diphuthego tsa Kereke.

Tsaya tsie Mmoloki. Karolo ya botlhokwa go feta ya boikwatlhao ke go lemoga gore maitshwarelo a tla ka lebaka la ga Jeso Keresete. Fa gongwe o kanna wa ikutlwa gore Modimo ga a kitla a itshwarela dibe tse di tona. Mme Mmoloki o bogisegetse dibe tsa rona gore re di beele fa thoko, le tsone tota tse di tona. Maduo a boikwatlhao jwa nnete ke maitshwarelo, kagiso, kgomotso, le boipelo.

Boikwatlhao ga go reye fela gore nako tsotlhe re dira diphetogo tse di tona. Gantsi go raya go oketsa maitlamo a a tlhokafalang go tshela go yeng ka thato ya Modimo. Boikwatlhao jwa nnete ga se gantsi bo diragala ka pele; nna pelotelele ka wena jaaka o leka ka bojotlhe go dira tshiamo le go baakanya diphoso tseo di dirileng. Jaaka fa oikwatlhaya, o tlaa nna le maitemogelo a phetogo ya pelo. Ga o ne o tlhole o eletsa go dira sebe. O tla tla go itse gore o ngwana wa Modimo le gore o tlhoka go tswelala o sa dire diphoso tse di tshwanang gantsinsi. Keletso ya gago go sala Modimo morago e tlaa gola mme e nne boteng.

*R*otlhe re dira diphoso. Fa gongwe re a ikgobatsa gape re gobatsa ba bangwe mo go maswe ka ditsela tse eleng gore rona ka borona ga re ka ke ra di baakanya. Re roba dilo tse eleng gore rona ka borona ga re ka ke ra di rarabolola. Jalo re ikutlwe re le molato, re swabile, gape re sotlega, moo rona ka borona re sakakeng ra go fodisa. Maatla a a fodisang a Tefo a ka thiba seo re ka sekeng re se baakanye.

KOLOBETSO LE MOYA O O BOITSHEPO

Tumelo mo go Jeso Keresete le boikwatlhao di go baakanyetsa gore o kolobediwe le go amogela Moya o o Boitshepo. Jeso Keresete o re rutile gore mongwe le mongwe o tshwanetse go kolobediwa ka metsi le ka Moya (Moya o o Boitshepo) go phimolwa, kgotsa go itshwarelwa, mo dibeng. Ka kolobetso ya yoo o tshegetsang tetla ya boperesiti le ka go amogela Moya o o Boitshepo, o ka tsholwa gape ka semowa.

Ke Eng Ke Tlhoka go Kolobetswa?

Jeso Keresete o beile sekai go rona rotlhe ka go kolobetswa go “diragatsa tshiamo yotlhe” (Mathaeo 3:15). Fa o kolobediwa, o amogela phimolo ya dibe tsa gago (bona Ditiro 2:38). O dira kgolagano, kgotsa tsholofetso, le Modimo: o mo solofetsa go amogela Jeso Keresete ele Mmoloki wa gago, go Mo sala

morago, le go tshegetsana ditaelo tsa Gagwe. Fa o dira karolo ya gago, Rara wa gago wa Legodimo o go solofetsa gore o tlaa itshwarelwa dibe tsa gago. Fa o kolobediwa ka tetla sentle, dibe tsa gago di tlhatswetswa kwa.

Kolobetso e amanya go nwetswa ka bokhutshwane mo metsing. Se ke kafa Jeso Keresete a kolobeditsweng

ka teng. Kolobetso ka go nwetswa ke letshwao la boitshepo la loso, phitlho, le go Tsoga baswing ga ga Jeso Keresete; e emetse go fela ga botshelo jwa gago jwa bogologolo le tshimologo e ntsha ya botshelo ole molatedi wa ga Jeso Keresete.

Ke Eng Ke Tshwanetse Go Amogela Moya o o Boitshepo?

Lentswa kolobetso e go tlhatswa mo dibeng, Moya o o Boitshepo o a go itshepisa, kgotsa go go itshekisa. Fa o nna ka

*“Jeso o ne a araba are,
Ruri, Ruri, Ka re go wena,
Le eseng gore motho a bo
a tshotswe ka metsi le ka
Moya, ga a kitla a tsena
ka bogosi jwa Modimo.”*

Johane 3:5



boikanyego go dikgolagano tse o didirileng ka kolobetso, o ka nna le Moya o o Boitshepo ka metlha. Batho botlhe bao baba molemo baka ikutlwa tlhotlheletso ya Moya o o Boitshepo, mme fela bao baba kolobeditsweng gape ba amogetse Moya o o Boitshepo bana le tetlelelo ya go nna a ba patile nako le nako botshelo jotlhe.

O ka ruta le go kaelwa
ka Moya o o Boitshepo.

*“Mogomotsi, yo eleng Moya
o o Boitshepo, yo Rara a
tlaa mo romelang ka leina
lame, o tlaa go ruta dilo
tsotlhe, mme a tlise dilo
tsotlhe mo kgakologelong
ya gago, sepe fela Se ke
se buileng go wena.”*

Johane 14:6

Moya o o Boitshepo o go thusa gore o lemoge le go tlhaloganya boammaaruri. O fa nonofo ya semowa le tlhotlheletso. O a go gomotsa mo dinakong tse di thata mme a go kaele mo go direng ditshwetso. O ka ikutlwa lorato la Modimo le tlhotlheletso mo malatsing a botshelo jwa gago ka Moya o o Boitshepo.

Go kgona ga gago go ipelela mpho e ya selegodimo go tswa mo go obameleleng ditaello tsa Modimo. Moya o o Boitshepo ga o kitla o nna mo go bao

ba ba sa tsheleng go ya ka dithuto tsa Modimo. Ba latlhegelwa ke monyetla wa go bona kaelo le tlhotlheletso ya Gagwe. Nna o leka ka bojotlhe go itekanela semoweng ga bopati le tshupegetso ya Moya o o Boitshepo.

O amogela Moya o o Boitshepo morago ga kolobetso. Mo tlhomong e e bidiwang **tlhomamiso**, mongwe kgotsa go feta baba tshegetsi ba boperesiti ba baya diatla mo tlhogong ya gago. Ba go tlhomamisa leloko la Kereke le go go segofatsa go amogela Moya o o Boitshepo. Tlhomomo e gantsi e direlwa mo tirelong ya kereke ka bonako morago ga kolobetso. Fa o kolobetswa le go tlhomamisiwa, o nna leloko la Kereke ya ga Jeso Keresete ya Baitshepi ba Malatsi a Bofelo.

Mafoko a a mashibidu a tlhalosiwa mo ditsebeng 18 le 19.

Moya o o Boitshepo o fiwa ka go bewa diatla.





Sakeramente

Morago ga kolobetso, o ka shafatsa dikgolaganyo tsa gago tsa kolobetso beke le beke ka go ja **sakeramente**.

Ka Tirelo ya sakeramente, senkgwe le metsi a a segofadiwa mme a fitisediwe phuthego ele kgakololo ya Tefo ya ga

Jeso Keresete. Senkgwe se emetse mmele wa Gagwe, mme metsi a emetse madi a Gagwe. Jaaka fa o shafatsa dikgolagano tsa kolobetso, o solofediwa gore o tlaa nna le Moya, kgotsa Moya o o Boitshepo, le wena ka metlha.

*Sakeramente e go thusa
gore o gakologelwe ka
malebogo botshelo, boruti,
le Tefo ya ga Jeso Keresete.*

GOITSHOKELA GO ISA BOKHUTLHONG

O nna leloko la Kereke ya ga Jeso Keresete ya Baitshepi ba Malatsi a Bofelo ka tumelo mo go Jeso Keresete, boikwatlhao, le ditlhomo tsa kolobetso le tlhomamiso. Morago ga o nna leloko la Kereke, o tlaa tswelela ka go gola ka go tlhaloganya. O tla a tswelela ka go katisa tumelo mo go Jeso Keresete, o ikwatlhaya, o shafatsa dikgolagano tsa kolobetso ka go ja sakeramente, le go sala morago kaelo ya Moya o o Boitshepo. Melawana e ya ntlha le ditlhomo tsa efangele ke sekaelo seo se salwang morago botshelo jotlhe. Maitlamo a a botshelo jotlhe gantsi a bidiwa “Goitshokela go isa bokhutlhong.”

Goitshokela go isa bokhutlhong go tliša kaedi, kagiso, le boitumelo mo botshelong. O tlaa ikutlwa boipelo jwa gore o leka go nna thata jaaka Jeso Keresete jaaka fa o direla le go thusa bao ba ba go dikologileng. O tla tlhaloganya botoka botsalano jwa gago le Rara wa gago yo o kwa Legodimong mme o ikutlwe lorato la botlalo la Gagwe go wena. O tlaa ikutlwa tsholofelo le maikutlo a maikemisetso mo lefatsheng leo le gantsi le senang boitumelo le le mathateng.

*E*fangele ya ga Jeso Keresete
ke tsela ya botshelo.

*“Lo tshwanetse go gatelelapele ka boiketlo
mo go Keresete, lona le tsholofelo e e
phatshimang ya botlalo, le lorato lwa
Modimo le la batho. Ka jalo he, fa lo ka
gatelapele, le eja moletlo mo lefokong
la ga Keresete, le go itshoka go ya
bokhutlhong, bonang, go bua jalo Rara:
Lo tlaa bona botshelo jo bosakhutlheng.”*

2 Nifae 31:20



KE KA ITSE JANG?

Efangele ya ga Jeso Keresete e setse e buseleditswe ka tshenolo gotsweng go Modimo go Moporofiti Joseph Smith le baporofiti ba bangwe.

O ka itse ka bo wena gore dilo tse di boammaaruri ka go botsa Rraetsho yo o kwa Legodimong ka thapelo. O tlaa go araba ka Moya o o Boitshepo, yo o gape a bidiwang Moya wa Modimo. Moya o o Boitshepo ke go fa bosupi, kgotsa go fa bopaki, jwa ga Rraetsho yo o kwa Legodimong le Jeso Keresete. Moya o o Boitshepo o tlhomamisa boammaaruri ka maikutlo, dikakanyo, le megopolo. Maikutlo ao a tlang gotsweng Moweng o o Boitshepo a maatla, mme gape gantsi a bokgwabo a didimetse. Jaaka go rutilwe mo Baebeleng, “Maungo a Moya ke lorato, boipelo, kagiso, boitshoko, bokgwabo, bosiami, tumelo, bonolo, [le] boitshwaro” (Bagalatia 5:22–23).

Maikutlo a ke tlhomamiso go tsweng go Moya o o Boitshepo gore molaetsa o o boammaaruri. O tla re jalo o tlhoke go itlhophela gore a o tlaa tshela mo kagisong ka efangele ya ga Jeso Keresete jaaka fa e buseleditswe ka Joseph Smith.

Ke Rapela Jang?

- *Buisa Rara wa gago wa Legodimo.*
- *Bua maikutlo a gago a pelo(malebogo, dipotso, dikopo go tlhomamisa gore a Buka ya ga Mone e boammaaruri le seo baanamisa efangele ba se rutileng).*
- *Tswala (“Mo leineng la ga Jeso Keresete, amene”).*

MOLA WA DITHEME

Matlhogonolo Thuso le nonofo ya selegodimo eo e fiwang ka kutlwelobotlhoko le lorato la ga Jeso Keresete. Ka matlhogonolo a Gagwe, ao a a dirilweng ka Tefo ya Gagwe, batho botlhe batlaa tsoga mo baswing. Ka Matlhogonolo a Gagwe, bao ba ba tswelang ka go ikwatlhaya mme ba tshela go ya ka efangele ya Gagwe ba tlaa ikutlwa ba itshokela ka bogaufi thata go Rraetsho yo o kwa Legodimong mo botshelong jo le go tshela fa pele ga Gagwe morago ga botshelo jo.

Kgolagano Tumalano gareng ga Modimo le bana ba Gagwe. Modimo o fa diemo tsa kgolagano, mme re dumela go Mo obamela. Modimo o solofetsa masego a a rileng go kobamelo ya rona.

Kolobetso Tsela e e botlhokwatlhokwa ya go amogela go itshwarrelwa dibe. Ka kolobetso le tlhomamiso ka taolo ya boperesiti, re nna maloko a Kereke ya ga Jeso Keresete ya Baitshepi ba Malatsi a Bofelo. Kolobetso ke ka go nwetswa, e raya gore motho yo o kolobediwang o tsenngwa a khurumeditse ke metsi ka bo khutshwane. Kolobetso e supa keletso ya rona ya go sala sekao sa ga Keresete morago le go dira dikgolagano le Modimo.

Pholoso Kgololo gotsweng sebeng le losong. Pholoso e dirilwe gore e kgonege ka Tefo ya ga Jeso Keresete. Ka Tsogo baswing ya ga Jeso Keresete, mongwe le mongwe o tlaa fenyha ditlamorago tsa loso. Re ka kgona go pholoswa gape gotsweng mo ditlamoragong tsa dibe ka tumelo go Jeso Keresete. Tumelo e e iponagatsa mo botshelong jwa boikotlhao le kobamelo go melao le ditlhommo tsa efangele le tirelo go Keresete.

Sakeramente Tlhomo eo e gakololang maloko a Kereke ka ga Tefo ya ga Jeso Keresete. Ka go ja sakeramente, re shafatsa dikgolagano tseo re di dirileng ka kolobetso. Senkgwe le metsi di a segofadiwa mme di fiwe phuthego. Senkgwe se emetse mmele wa ga Jeso Keresete, mme metsi a emetse madi a Gagwe. Tlhomo e e diragala beke le beke mo tirelong ya kobamelo e e bidiwang phuthego ya sakeramente.

Tefo Tiragalo e e re letlelelang go ikagisanya le Modimo. Go lefa ke go bogisegela melato ya sebe, ka jalo e ntsha ditlamorago tsa sebe go tswa mo moleofing yo o ikwatlhayang. Jeso Keresete e ne e le ene ka esi a ka kgonang go dira Tefo e e itekanetseng ka botlalo ya batho botlhe. Tefo ya Gagwe e ne e akaretsa go bogela dibe tsa rona, go tshololela madi a Gagwe, le loso la Gagwe le Tsogo ya baswi. Ka ntlha ya Tefo, mongwe le mongwe yo a tshedileng o tla a tsosiwa mo baswing. Tefo gape e re tlamela ka tsela ya go itshwarelwa dibe le go tshela go ya goile le Modimo.

Tlhomamiso Tsela eo ka yone motho a amogelang Moya o o Boitshepo. Mo tlhomong e, eo gantsi e nnang mo phuthegong ya sakeramente moragonyana ga kolobetso, motho o a tlhongwa, kgotsa o dirwa, leloko la Kereke ya ga Jeso Keresete ya Baitshepi ba Malatsi a Bofelo.

Tlhomomo Tiro semmuso e e diragadiwang ka boitshepo, eka taolo ya boperesiti. Sekai se akaretsa kolobetso, go amogela Moya o o Boitshepo, le sakeramente. Ditlhomomo ke gantsi ele tsela eo re tsenang mo dikgolaganong le Modimo.

GOITHUTA GA TLALELETSO

Dipotso tse di latelang le Mafoko a tla a go thusa go ithuta thata ka ga melawana mo bukaneng e le go di tlhatlhanya. Mola o ga se gotlhe mo go feletseng; dintlha tse di kwa tlase le referense ya sefa-paano mo Mafokong di tla a go supegetsa metswedi ya tlaletso ya metsamao ya ditemana.

Efangele ya ga Jeso Keresete ke eng?

3 Nifae 27:13–22 (Buka ya ga Momone, ditsebe 555–56)

Go raya eng go nna le tumelo?

Tumelo e ka go fa nonofo jang?

Baheberwa 11:1, 6 (Baebele, Kgolagano e Ntsha)

Alema 32:21, 26–28 (Buka ya ga Momone, ditsebe 341–42)

Ethere 12:6 (Buka ya ga Momone, tsebe 618)

Go raya eng go ikwathaya?

Ke eng fa motho mongwe le mongwe a tshwanelwa ke go ikwathaya?

Luka 15:3–10 (Baebele, Kgolagano e Ntsha)

Ditiro 3:19 (Baebele, Kgolagano e Ntsha)

Alema 12:33–34 (Buka ya ga Momone, tsebe 278)

Ke eng fa motho mongwe le mongwe a tlhokana le go kolobediwa?

Ditiro 2:38 (Baebele, Kgolagano e Ntsha)

2 Nifae 31–32 (Buka ya ga Momone, ditsebe 125–28)

Moya o o Boitshepo ke eng?

Moya o o Boitshepo o ka segofatsa botshelo jwa gago jang?

2 Nifae 32:5 (Buka ya ga Momone, tsebe 128)

3 Nifae 27:20 (Buka ya ga Momone, tsebe 556)

Maikemisetso a sakeramente ke eng?

3 Nifae 18:1–12 (Buka ya ga Momone, tsebe 536–537)

Moronae 4–5 (Buka ya ga Momone, ditsebe 631–32)

Go raya eng go itshokelela go isa bokhutlhong?

2 Nifae 31:15–20 (Buka ya ga Momone, tsebe 126–127)

3 Nifae 15:9 (Buka ya ga Momone, tsebe 531)

OBAMELA LE RONA

TLAYA O BONE KA FA PUSELETSO
YA EFANGELE E KA SEGOFATSANG
BOTSHELO JWA GAGO KA TENG



Phuthego ya Sakeramente ke konokono ya tirelo ya kobamelo. Gantsi e nna sebaka se sefetang oura go se gonnye le gore e nna ka nako tsotlhe e na le tse di latelang:

Difela: Diopelwa ke phuthego. (Dibuka tsa Difela di a fiwa.)

Dithapelo: Di fiwa ke beng gae ba maloko a Kereke.

Sakeramente: Senkgwe le metsi di a segofadiwa le go fitisediwa go phuthego e le kgakologelo ya Tefo ya ga Jeso Keresete.

Dibui: Gantsi mongwe kgotsa ba le babedi ba maloko a phuthego ba bo ba filwe go bua ka setlhogwana sa efangele.

Kapari: Banna le basimane ka kakaretso ba apara disutu kgotsa marokgo le hempe le thai. Basadi le basetsana ba apara mesese kgotsa dikete.

Dikabelo ga di kopiwe ka nako ya tirelo ya kobamelo.

Re go laletsa gape gore o tsenelele diphuthego tsa tlaleletso, go yeng ka dikgatlhego tsa gago le setlhopha sa dingwaga tsa gago. Tatlano le boleng teng jwa diphuthego tse bo kanna jwa farologana.

Sekole sa Sontaga: Ditlelase tsa go ithuta Mafoko le dithuto tsa efangele.

Diphuthego tsa Boperesiti: Ditlelase tsa banna le basimane ba dingwaga tse 12 le go feta.

Mokgatlho wa Thuso: Ditlelase tsa basadi ba ba dingwaga tse 18 le go feta.

Basadi Potlana: Ditlelase tsa basetsana ba ba dingwaga tse 12 go isa go 18.

Poremari: Setlhopha sa tirelo le ditlelase tsa bana ba dingwaga tse 3 go isa go tse 11. Banyana (nursery) ya bana ba ba dikgwedi tse 18 go isa ko dingwageng tse 3 kgapetsa kgapetsa e teng.



Nako ya phuthego ya Sakeramente: _____

Aterese ya ko Chapeleng: _____

Ke Tshwanetse go Dira Eng?

- Bala Buka ya ga Momone.

Padi e e Akanyeditsweng: _____



- Rapela goitse gore Jeso Keresete ke Mmoloki wa gago.
- Ikwatlhae mme o rapelele go itshwarelwa mo dibeng tsa gago. Leka thata go tshela go yeng ka fa Melaong ya Modimo.
- Tsena Kereke.
- Ipaakanyetse go kolobediwa ka _____
- Etela www.mormon.org gore o ithute thata ka ga efangele ya puseletso ya ga Jeso Keresete.
- Tswelela ka go kopana le baanamisa efangele gore o ithute thata ka ga boammaaruri jo Modimo a bo buseleditseng ka baporofiti ba malatsi a segompieno.

Bokopano jo bo latelang: _____

Maina a moanamisa efangele le nomore ya mogala:

KEREKE YA GA
JESU KERESETE
YA BAITSHEDI
BA MALATSI A BOFELO

www.mormon.org

Malebo go Batswantshi

Tsebe ya Nihla: Mo go tseletseng gotsweng *Living Water*, ka Simon Dewey. © Simon Dewey. O seka wa kopa Tsebe 2: Mo go tseletseng gotsweng *The Sermon on the mount*, ka Carl Heinrich Bloch. E dirisitse ka tletla ya National Historic Museum kwa Frederiksberg mo Hillerød, Denmark
Tsebe 5: *Christ Raising the Daughter of Jairus*, ka Greg K. Olsen. © Greg K. Olsen
Tsebe 6: *The Gentle Healer*, ka Greg K. Olsen. © Conceptions Unlimited Investments, Inc. O seka wa kopa Tsebe 9: *John the Baptist Baptizing Jesus*, ka Greg K. Olsen. © Greg K. Olsen. O seka wa kopa

© 2005 by Intellectual Reserve, Inc. All rights reserved E gatisitse mo USA.
Tetla ya Sekgoba: 11/05. Tetla ya go ranola: 11/05. Thanolo ya *The Gospel of Jesus Christ*.
Setswana. 01198 763

SETSWANA



4 0201198763 7

01198 763